


中原文獻
子五



			九	漢
		七	七	書
		六	六	門
		四	四	
二	一	二	四	
〇	一	二	四	
冊	架	函	號	類

庫文閣內			
三		九	漢
〇		七	書
二		六	
〇		四	
〇	冊	號	類

內閣文庫			
番號	漢	9764	
冊數	20 (14)		
函號	360	124	

共三十冊

十四



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



新鐫焦太史彙選中原文獻子集卷五

淺草文庫

荀子

名况又名卿仕楚為蘭陵令著書三十二篇程子謂循其言可以入道第以性為惡以堯舜為偽以子思孟軻為亂天下至其徒李斯又倡焚書坑儒之禍故卿愈得罪終立名教外惜哉

勸學

吾嘗終日而思矣。不如須臾之所學也。吾嘗跂而望矣。不如登高之博見也。登高而招。臂非加長也。而見者遠。順風而呼。聲非加疾也。而聞者彰。假輿馬者。非利足也。

政舉凡也

數者喻脩身在
假于琴

中庸卷之五

生非異言與衆
人同也

而致千里。假舟楫者。非能水也。而絕江河。君子生非異也。善假於物也。

賢射侯的正鵠也

故君子居必擇鄉。遊必就士。所以防邪僻而近正中也。物類之起。必有所始。榮辱之來。必象其德。肉腐出蟲。魚枯生蠹。怠慢忘身。禍災乃作。彊自取柱。柔自取束。邪穢在身。怨之所構。施薪若一。火就燥也。平地若一。水就濕也。草木疇生。禽獸群焉。物各從其類也。是故質的張而己。矢至焉。林木茂而斧斤至焉。樹成蔭而衆鳥息焉。醯酸而蚋聚焉。故言有召禍也。行有召辱也。君子其慎所立乎。

所立即謂學也

身又憚又皆專
默精實之謂也
能上屋能飛不
能窮水能穴不
能掩身能遊不
能渡谷能走不
能驚人
能微動也

是故無冥冥之志者。無昭昭之明。無惛惛之事者。無赫赫之功。行衢道者不至。事兩君者不容。百不兩視而明。耳不兩聽而聰。騰蛇無足而飛。梧鼠五枝而窮。君子之學也。入乎耳。著乎心。布乎四體。形乎動靜。端而言。蠕而動。一可以為法則。小人之學也。入乎耳。出乎口。口耳之間。則四寸耳。曷足以美七尺之軀哉。

修身

治氣養心之術。血氣剛彊。則柔之以調和。知慮漸深。則一之以易良。勇膽猛戾。則輔之以道順。齊給便利。則節之以動止。狹溢褊小。則廓之以廣大。卑濕重遲。貪利。則

漸浸也
戾忿惡也。吝疾也
卑濕謂自卑下
如水之下濕然

也重遲實緩也
標輕也謂自輕
其真也款誠款
也

閱賣也謂折損
所賣之價也

山言公孫龍惠
施之曲說異理

不可為法
謂偏倚作怪之

厭塞也

暇日謂急出入
謂道路所至也

抗之以高志。庸衆駑散。則刳之以師友。怠慢僇棄。則炤之以災禍。愚款端慤。則合之以禮樂。通之以思索。身勞而心安為之。利少而義多為之事。亂君而通。不如事窮君而順焉。故良農不為水旱不耕。良賈不為折閱不市。士君子不為貧窮怠乎道。

夫驥一日而千里。駑馬十駕。則亦及之矣。將以窮無窮。逐無極與。則折骨絕筋。終身不可以相及也。將有以止之。則千里雖遠。亦或遲或速。或先或後。胡為乎其不可以相及也。不識少道者。將以窮無窮。逐無極與。意亦有所以止之者與。夫堅白同異。有厚無厚之察。非不察也。然

而君子不辯。止之也。倚魁之行。非不難也。然而君子不行。止之也。故學曰。遲彼止而待我。我行而就之。則亦或遲或速。或先或後。胡為其不可以同至也。故頤趾步不休。跛鼈千里。累土不輟。丘山崇成。厭一涉其源。開其實。江河可竭。一進一退。一左一右。六驥不致。彼人之才性之相縣也。豈若跛鼈之與六驥。足哉。然而跛鼈致之。六驥不致。是無他故焉。或為之。或不為之耳。道雖邇。不行不至。事雖小。不為不成。其為人。也多暇日者。其出入不遠矣。

君子貧窮而志廣。富貴而體恭。安燕而血氣不惰。勞勸

東與簡同言東
擇事所宜而不
務驕逸故雖安
而不怠惰

而容貌不枯。怒不過奪。喜不過予。君子貧窮而志廣。隆
仁也。富貴而體恭。殺勢也。安燕而血氣不惰。東理也。勞
勸而容貌不枯。好交也。怒不過奪。喜不過予。法勝私也。
不苟

君子位尊而志恭。心小而道大。所聽視者近。而所聞見
者遠。是何邪。則操術然也。故千人萬人之情。一人之情
是也。天地始者。今日是也。百王之道。後王是也。君子審
後王之道。而論於百王之前。若端拜而議。推禮義之統。
分是非之分。揔天下之要。治海內之衆。若使一人。故操
彌約而事彌大。五寸之矩。盡天下之方。故君子不下堂。

而海內之情。舉積此者。則操術然也。

凡人之患。傷之也。見其可欲也。則不慮其可惡也。見
其可利也。則不顧其可害也者。是以動則必陷。為則必
辱。是偏人之患也。人之所惡者。吾亦惡之。夫富貴者。則
類傲之。夫貧賤者。則求柔之。是非仁人之情也。姦人將
以盜名於晦世者也。險莫大焉。故曰。盜名不如盜貨。田
仲史鮒不如盜也。

榮辱

凡聞者。必自以為是。而以人為非也。已誠是也。人誠非
也。則是已君子。而人小人也。以君子與小人相賊害也。

類傲是富貴之
類不論是非而
盡傲之也求柔
柔屈就之也

東漢書卷之五

四

狐父地名鑄刺也

憂以忘身。內以忘親。上以忘君。豈不過甚矣哉。是人也。所謂以狐父之戈。鑄牛矢也。

自知者不怨人。知命者不怨天。怨人者窮。怨天者無志。非相。

未可直至言在。援引古今也。遠舉上世之事。則病繆。

五帝之外無傳人。非無賢人也。久故也。禹湯有傳政。而不若周之察也。非無善政也。久故也。傳者久則論畧。近則論詳。略則舉大。詳則舉小。愚者聞其略。而不知其詳。聞其詳。而不知其大也。是以文久而滅。節奏久而絕。凡說之難。以至高。遇至卑。以至治。接至亂。未可直至也。遠舉則病繆。近世則病僂。善者於是間也。亦以遠舉而

世之節則庸。副贏紕猶言屏。仲也。府與俯同。渠堰所以制水。渠括所以制木。君子制人亦從。是也。繩、墨、柶。牽引也。

不繆。近世而不備。與時遷徙。與世偃仰。緩急贏紕。府懸。若渠堰隳枯之於已也。曲得所謂焉。然而不折傷。故君子度已則以繩。接人則用柶。

言雖多而皆禮。義之類。法典法也。

民務四民之務。律又法。否疾也。

非十二子篇。信信。信也。疑疑。亦信也。貴賢。仁也。賤不肖。亦仁也。言而當。知也。默而當。亦知也。故知默猶知言也。故多言而類。聖人也。少言而法。君子也。多少無法而洒流然。雖辯小人也。故勞力而不當民務。謂之姦事。勞知而不律先王。謂之姦心。辯說譬諭。齊給便利。而不順理義。謂之姦說。此三姦者。聖王之所禁也。

仲尼篇

致至極文理文章條理也
鄉讀作向審勞
佚審知敵人之
勞佚也為讓所
以飭爭非直讓
也行仁所以蹈
利非直仁也

仲尼之門人五尺之豎子言羞稱乎五伯是何也曰然彼非本政教也非致隆高也非綦文理也非服人心也鄉方略審勞逸畜積脩聞而能顛倒其敵者也許心以勝矣彼而讓飾爭依乎仁而蹈利者也小人之桀也彼固曷足補乎大君子之門哉

儒效篇

君子之所謂賢者非能徧能人之所能之謂也君子之所謂知者非能徧知人之所知之謂也君子之所謂辯者非能徧辯人之所辯之謂也君子之所謂察者非能

庸籍也謂相蹈籍擗抑也皆謂相陵薦也
諛度也位次也

偏察人之所察之謂也有所正矣相高下視肥境序五種君子不如農人相羨惡辯貴賤君子不如賈人設規矩陳繩墨使備用君子不如工人不恤是非然不然之情以相薦擗尊以相恥忤君子不若惠施鄧析若夫諛商德而定次量能而授官使賢不肖皆得其位能不能皆得其官萬物得其宜事變得其應慎墨不得進其談惠施鄧析不敢竄其察言必當理事必當務是然後君子之所長也
我欲賤而貴愚而智貧而富可乎曰其唯學乎彼學者行之曰士也敦慕焉君子也知之聖人也上為聖人下

胥靡刑徒人也
齊相靡繫也謂
鑲相聯相繫漢
書所謂銀繒者
也

次官次也須又
更也

為士君子孰禁我哉鄉也混然塗之人也俄而並乎堯
禹豈不賤而貴矣哉鄉也效門室之辯混然曾不能決
也俄而原仁義兮是非圖迴天下於掌上而辯白黑豈
不愚而知矣哉鄉也胥靡之人俄而治天下之大器舉
在此豈不貧而富矣哉

王制篇

請問為政曰賢能不待次而舉罷不能不待湏而廢元
惡不待教而誅中庸民不待政而化
馬駭輿則君子不安輿庶人駭政故君子不安政馬駭
輿則莫若靜之庶人駭政則莫若惠之

人之城守人之出戰而我以力勝之也則傷吾民必甚
矣傷吾民甚則吾民之惡我必甚矣吾民之惡我甚則
日不欲為我鬪人之民日欲為我鬪吾民日不欲為我
鬪是疆者之所以反弱也地來而民去累多而功少雖
守者益所以守者損是以大者之所以反削也

北海則有走馬吠犬焉然而中國得而畜使之南海則
有羽翮齒革曾青丹干焉然而中國得而財之東海則
有紫紘魚鹽焉然而中國得而衣食之西海則有皮革
文旄焉然而中國得而用之故澤人足乎木山人足乎
魚農夫不斲削不陶冶而足械用工賈不耕田而足菽

荒蕪絕遠之
不必至于海
曾青銅之精
繒畫及化黃
者出蜀山越
丹干丹砂也
法未詳蓬牛
文旄染之為
也

粟。故虎豹為猛矣。然君子剝而用之。故天之所覆地之
所載。莫不盡其美。致其用上。以飾賢良。下以養百姓。而
安樂之。夫是之謂神。

水火有氣而無生。草木有生而無知。禽獸有知而無義。
人之有氣。有生。有知。亦且有義。故最為天下貴也。

兵革器械者。彼將日月暴露。毀折之中原。我今將修飾
之。拊循之。掩蓋之於府庫。貨財粟米者。彼將日月棲遲。
薛越之中野。我今將畜積并聚之於倉廩。材伎股肱。健
勇爪牙之士。彼將日月挫頓。殫竭之於仇敵。我今將來
致之。并閱之。砥礪之於朝廷。如是則彼日積弊。我日積

完。彼日積貧。我日積富。彼日積勞。我日積佚。君臣上下
之間者。彼將厲厲焉。日日相離。疾也。我今將頓頓焉。日
日相親愛也。以是待其弊安。以其國為是者霸。

富國篇

欲惡同物。欲多而物寡。寡則必爭矣。故百技所成。所以
養一人也。而能不能無技。人不能無官。離居不相待。則
窮。羣而無分。則爭。窮者患也。爭者禍也。救患除禍。則莫
若明分。使羣矣。疆脅弱也。知懼愚也。民下違上。少陵長。
不以德為政。如是則老弱有失養之憂。而壯者有分爭
之禍。事業所惡也。功利所好也。職業無分。如是則人有

欲惡同物謂飲
食男女人之大
欲存焉。死亡貧
苦人之大惡存
焉。各逐所欲而
物不能贍。則必
爭。又必立君以
息。故曰養一人
離居不群也。

樹立也謂樹立
已事以爭人之
功

垣墻也築墻四
周以藏穀也窳
也掘地藏穀

樹事之患而有爭功之禍也。男女之合。夫婦之分。婚姻
聘內。送逆無禮。如是。則人有失合之憂。而有爭色之禍
也。故知者為之分也。
故田野縣鄙者。財之本也。垣窳。泡倉廩者。財之末也。百
姓時和。事業得叙者。貨之源也。等賦府庫者。貨之流也。
故明主必謹養其和。節其流。開其源。而時斟酌焉。潢然
使天下必有餘。而上不憂不足。如是。則上下俱富。交無
所藏之。是知國計之極也。

王霸

人主者。以官人為能者也。匹夫者。以自能為能者也。人

上夫之守
耕稼也

獲奴婢也

主得使人為之。匹夫則無所移之。百畝一守。事業窮。無
所移之也。今以一人兼聽天下。日有餘而治不足者。使
人為之也。大有天下。小有一國。必自為之。然後可。則勞
苦耗悴莫甚焉。如是。則雖減獲不肯與。天子易勢業。以
是縣天下。一四海。何故必自為之。為之者。役夫之道也。
墨子之說也。論德使能。而官施之者。聖王之道也。儒之
所謹守也。傳曰。農分田而耕。賈分貨而販。百工分事而
勸。士大夫分職而聽。建國諸侯之君。分土而守。三公揔
方而議。則天子共已而已矣。出若入若。天下莫不平均。
莫不治辯。是百王之所同也。

無國而不有治法。無國而不有亂法。無國而不有賢士。無國而不有罷士。無國而不有怨民。無國而不有悍民。無國而不有美俗。無國而不有惡俗。兩者並行於國。在上偏而國安。在下偏而國危。

君道

有亂君。無亂國。有治人。無治法。羿之法非亡也。而羿不世中。禹之法猶存。而夏不世王。故法不能獨立。類不能自行。得其人則存。失其人則亡。

合符節。別契券者。所以為信也。上好權謀。則臣下百吏。詭詐之人。乘是而後欺。探籌投鈎者。所以為公也。上好

士之所好不同。而臣下群起而應之者亦不同。是以士之好尚不可不識。

曲私。則臣下百吏。乘是而後偏。衡石稱縣者。所以為平也。上好傾覆。則臣下百吏。乘是而後險。斗斛敦弊者。所以為實也。上好貪利。則臣下百吏。乘是而後鄙。豐取刻與。以無度取於人。故械數者。治之流也。非治之源也。君子者。治之源也。官人守數。君子養源。源清則流清。源濁則流濁。

令人主有六患。使賢者為之。則與不肖者規之。使知者慮之。則與愚者論之。使修士行之。則與汙邪之人疑之。雖欲成立。得乎哉。譬之是猶立直木而恐其影之枉也。惑莫大焉。

這段是卿李術之偏處

據此發端發問發難甚是奇妙然骨幹亦有此語

牆之外。目不見也。里之前。耳不聞也。而人主之守司。遠者天下。近者境內。不可不略知也。天下之變。境內之事。有施易。齟齬。差者矣。而人主無由知之。則是拘脅。救塞之端也。耳目之明。如是其狹也。人主之守司。如是其廣也。其不可以不知也。如是其危也。然則人主將何以知之。曰。便嬖左右者。人主之所以窺遠。收衆之門戶。牖嚮也。不可不早具也。故人主將有便嬖左右。足信者。然後可。其知惠。足以使規物。其端誠。足以使定物。然後可。夫是之謂國具。人主不能不有。遊觀安燕之時。則不得不有疾。病物。故之變焉。有國者。事物之至也。如泉源。一物不應。

亂之端也。故曰。人主不可以獨也。卿相輔佐。人主之基杖也。不可不早具也。故人主必將有卿相輔佐。足任者。然後可。其德音。足以鎮撫百姓。其知慮。足以應待萬變。然後可。夫是之謂國具。四鄰諸侯之相與。不可以不相接也。然而不必相親也。故人主必將有足使喻志。決疑於遠方者。然後可。其辯說。足以解煩。其知慮。足以決疑。其齊斷。足以距難。不還秩。不反君。然而應薄。扞患。足以持社稷。然後可。夫是之謂國具。

臣道

從命而利君。謂之順。從命而不利君。謂之諂。逆命而利

養交謂養其與
君交接之不忤
犯使怒也或曰
養其外交

比即合也知讀
作智

君謂之忠。逆命而不利君謂之篡。不恤君之榮辱。不恤國之臧否。偷合苟容。以持祿養交而已耳。謂之國賊。君有過謀過事。將危國家。殞社稷之具也。大臣父兄。有能進言於君。用則可。不用則去。謂之諫。有能進言於君。用則可。不用則死。謂之爭。有能比知同力。率羣臣百吏。而相與彊曰。橋矯君。君雖不安。不能不聽。遂以解國之大患。除國之大害。成於尊君安國。謂之輔。有能抗君之命。竊君之重。反君之事。以安國之危。除君之辱。功伐足以成國之大利。謂之佛。故諫爭輔拂之人。社稷之臣也。國君之寶也。明君之所尊厚也。而闇主惑君。以為已賊也。

諫諍輔弼之人
其益于人國彰
彰如是然而用
與不用在君之
明與不明耳

以為成俗言如
是而不變若舊
俗然也

故明君之所賞。闇君之所罰。闇君之所賞。明君之所殺。故正義之臣設。則朝廷不頗。諫爭輔拂之人信。則君過不遠。爪牙之士施。則仇讎不作。邊境之臣處。則疆垂不喪。故明主好同。而闇主好獨。明主尚賢使能。而饗其盛。闇主妬賢畏能。而滅其功。罰其忠。賞其賊。夫是之謂至闇。桀紂所以滅也。事聖君。有聽從無諫爭。事中君。有諫爭無諂諛。事暴君。有補削無橋拂。迫脅於時。窮居於暴國。而無所避之。則崇其美。揚其善。遠其惡。隱其敗。言其所長。不稱其所短。以為成俗。詩曰。國有大命。不可以告人。妨其躬身。此之謂也。恭敬而遜。聽從而敏。不敢有私。

閑當為開傳寫
誤也撲馬未調
習之馬

決擇也。不敢有私取與也。以順上為志。是事聖君之義也。忠信而不諛。諫諍而不誦。矯然剛折端志。而無傾側之心。是案曰是非。案曰非。是事中君之義也。調而不流。柔而不屈。寬容而不亂。曉然以至道。而無不調和也。而能化易。時關內之。是事暴君之義也。若馭撲馬。若養志子。若食餒人。故因其懼也。而改其過。因其憂也。而辯其故。因其喜也。而入其道。曲得所謂焉。書曰。從命而不拂。微諫而不倦。為上則明。為下則遜。此之謂也。故仁者必敬人。敬人有道。賢者則貴而敬之。不肖者則畏而敬之。賢者則親而敬之。不肖者則疏而敬之。其敬

一也。其情二也。若夫忠信端慤而不傷害。則無接而不然。是仁人之質也。

議兵

仁人之兵。不可詐也。彼可詐者。怠慢者也。路亶者也。君臣上下之間。滑然有離德也。故以桀詐桀。猶巧拙有幸焉。以桀詐堯。譬之以卵投石。以指撓沸。若赴水火。入焉焦沒。

故其大齊則制天下。小齊則治隣敵。若夫招延募選。隆勢詐。尚功利之兵。則勝不勝無常。代俞代張。代存代亡。相為雌雄耳。夫是之謂盜兵。君子不由也。

路暴露也。亶讀
為袒謂上下不
相掩蓋也

禮義教化大備
謂之大齊湯武
是也。小齊五伯
是也

疆國

發誠布令而敵退。是王威也。徙舉相攻而敵退。是將威也。合戰用力而敵退。是衆威也。

天論

治亂天耶。日月星辰瑞曆。是禹桀之所同也。禹以治。桀以亂。治亂非天也。時耶。曰。繁啓蕃長於春夏。畜積收藏於秋冬。是又禹桀之所同也。禹以治。桀以亂。治亂非時也。地耶。曰。得地則生。失地則死。是又禹桀之所同也。禹以治。桀以亂。治亂非地也。天不為人之惡寒也。而輟冬。地不為人之惡遼遠也。而輟廣。君子不為小人凶凶也。而輟行。天有常道矣。地有常數矣。君子有常體矣。君子道其常。小人計其功。夫日月之有蝕。風雨之不時。怪星之黨見。是無世而非常有之。上明而政平。則是雖並世起。無傷也。上闇而政險。則是雖無一至者。無益也。萬物為道一偏。一物為萬物一偏。愚者為一物一偏。而自以為知道。無知也。

繁多也蕃茂也

弟見類見也言如朋黨之多

輟廣。君子不為小人凶凶也。而輟行。天有常道矣。地有常數矣。君子有常體矣。君子道其常。小人計其功。夫日月之有蝕。風雨之不時。怪星之黨見。是無世而非常有之。上明而政平。則是雖並世起。無傷也。上闇而政險。則是雖無一至者。無益也。萬物為道一偏。一物為萬物一偏。愚者為一物一偏。而自以為知道。無知也。

正論

故上易知。則下親上矣。上難知。則下畏上矣。下親則上安。下畏則上危。故王道莫惡乎難知。莫危乎使下畏已。

解蔽

世俗之為說者曰。治古無肉刑。而有象刑。墨黥。怪。騷。嬰。艾。畢。菲。對。履。殺。赭。衣。而不純。治古如是。是不然。以為治。耶。則人固莫觸罪。非獨不用肉刑。亦不用象刑矣。以為人或觸罪矣。而直輕其刑。然則是殺人者不死。傷人者不刑也。罪至重。而刑至輕。庸人不知惡也。亂莫大焉。凡刑人之本。禁暴惡。且微其末也。殺人者不死。而傷人者不刑。是謂惠暴而寬賊也。非惡惡也。故象刑殆非生於治古。並起於亂今也。

解蔽

心者形之君也。而神明之主也。出令而無所受令。自禁

出令。使百體不為百體所使。

也。自使也。自奪也。自取也。自行也。自止也。故口可劫而使墨云。形可劫而使誑申。心不可劫而使易意。是之則受非之則辭。

凡觀物有疑。中心不定。則外物不清。吾慮不清。則未可定。然否也。

正名

故萬物雖眾。有時而欲偏舉之。故謂之物。物也者。太其名也。推而共之。共則有共。至於無共。然後正。有時而欲偏舉之。故謂之鳥獸。鳥獸也者。大別名也。推而別之。別則有別。至於無別。然後正。

推以共名之理。則有共。至於無共。言自同。至於異也。起於總謂之物。散為異名。是異名者。本生於別。同者。行也。偏舉。又自異。至於同也。謂總其萬名。復謂之物。

是同名者生於
欲卻異名也

動不及不過求
也動過之求必得
也

三卿所進百虞
是之意非之
者也

人之所欲生甚矣。人之所惡死甚矣。然而人有從生成
死者。非不欲生而欲死也。不可以生而可以死也。故欲
過之而動不及。心止之也。心之所可中理。則欲雖多。奚
傷於治。欲不及而動過。之心使之也。心之所可失理。則
欲雖寡。奚止於亂。故理亂在於心之所可。亡於情之所
欲。不求之其所在。而求之其所亡。雖曰。我得之失之矣。

大畧

禮者。政之輓也。為政不以禮。政不行矣。天子即位。上卿
進曰。如之何。憂之長也。能除患則為福。不能除患則為
賊。授天子一策。中卿進曰。配天而有下土者。先事慮事。

先患慮患。先事慮事。謂之接。接則事優成。先患慮患。謂
之豫。豫則禍不生。事至而後慮者。謂之後。後則事不舉。
患至而後慮者。謂之困。困則禍不可禦。授天子二策。下
卿進曰。敬戒無怠。慶者在堂。弔者在閭。禍與福鄰。莫知
其門。豫哉。豫哉。萬民望之。授天子三策。誥誓不及五帝。盟詛不及三王。交質子不及五伯。

韓非子集卷五

十一

韓子

名非韓諸公子也喜刑名法術之學而其本歸於黃老與李斯事荀卿見韓削弱數以書諫王王不能用於於是著書十萬餘言後秦攻韓得非用李斯之毀下吏令自殺令觀其書極刻覈無誠悃夫婦父子舉不足相信其殺身也互矣

難言

臣非非難言也。所以難言者。言順比滑瀉。洋洋纒纒然。則見以為華而不實。敦祗恭厚。鯁固慎完。則見以為拙而不倫。多言繁稱。連類比物。則見以為虛而無用。摠微

此亦為初見秦之詞憤悶孤抗故其文連類曠肆感忽持奇

中原文獻子集卷五

十一

整不二柱內
却有長短參差
句不同

說約。徑省而不飾。則見以為劇而不辯。激急親近。深知人情。則見以為僭而不讓。闊大廣博。妙遠不測。則見以為奉而無用。纖計小談。以具數言。則見以為陋。言而近世。辭不悖逆。則見以為貪生而諛上。言而遠俗。詭躁人間。則見以為誕。捷敏辯給。繁於文采。則見以為史。殊釋文學。以質性言。則見以為鄙。時稱詩書。道法往古。則見以為誦。此臣非之所以難言而重患也。

主道

明君之道。使智者盡其慮。而君因以斷事。故君不窮於智。賢者效其材。君因而任之。故君不窮於能。有功則君

此皆人君御臣
之事純定老子
用

有其賢。有過則臣任其罪。故君不窮於名。是故不賢而為賢者師。不智而為智者正。臣有其勞。君有其成功。此之謂賢主之經也。

有度

夫為之人主。而身察百官。則日不足。力不給。且上用目。則下飾觀。上用耳。則下飾聲。上用慮。則下繁辭。先王以三者為不足。故舍己能而因法數。

巧匠目意中繩。然必先以規矩為度。上智捷舉中事。必以先王之法為比。故繩直而柱木斲。準夷而高科削。權衡縣而重益輕。斗石設而多益少。故以法治國。舉措而

夷平也。削高為
平。咸重益輕。權
衡乃平。咸多益
少。斗石乃滿。

屬官欲令官之屬已

已矣。法不阿貴。繩不撓曲。法之所加。智者弗能辭。勇者弗敢爭。刑過不避。大臣賞善不遺。匹夫故矯上之失。詰下之邪。治亂決繆。絀羨齊非。一民之軌。莫如法。屬官威民。退淫殆。止詐偽。莫如刑。刑重則不敢以貴易賤。法審則上尊而不侵。上尊而不侵。則主強而守要。故先王貴而傳之人。主釋法用私。則上下不別矣。

孤憤

法度編墨之文。有架柱有眼目。有懸結有收拾。有照應。即勒齊。整句通章。妥誰。備古文無紀律。

智術之士。必遠見而明察。不明察。不能燭私。能法之士。必強毅而勁直。不勁直。不能矯姦。人臣循令而從事。按法而治官。非謂重人也。重人也者。無令而擅為。虧法以

利私。耗國以便家。力能得其君。此所謂重人也。智術之士。明察聽用。且燭重人之陰情。能法之士。勁直聽用。且矯重人之姦行。故智術能法之士。用則貴重之。臣必在繩之外矣。是智法之士。與當塗之人。不可兩存之仇也。當塗之人。擅事要。則外內為之用矣。是以諸侯不因。則事不應。故敵國為之訟。百官不因。則業不進。故羣臣為之用。郎中不因。則不得近主。故左右為之匿。學士不因。則養祿薄禮卑。故學士為之說也。此四助者。邪臣之所以自飾也。重人不能忠主。而進其仇人。主不能越四功。而燭察其臣。故人主愈弊。而大臣愈重。

法律之士與當
塗者不兩存當
塗進則法術之
士退法術之士
進則當塗者退
然法術之士疎
而當塗日親則
然于不勝

凡當塗者之於人主也。希不信愛也。又且習故。若夫即
主心同乎好惡。固其所自進也。官爵貴重。朋黨又衆。而
一國為之訟。則法術之士。欲干上者。非有所信愛之親。
習故之澤也。又將以法術之言。矯人主阿辟之心。是與
人主相反也。處勢卑賤。無黨孤特。夫以疎遠與近愛信
爭。其數不勝也。以新旅與習故爭。其數不勝也。以反主
意與同好爭。其數不勝也。以輕賤與貴重爭。其數不勝
也。以一口與一國爭。其數不勝也。法術之士。操五不勝
之勢。以歲數而又不得見。當塗之人。乘五勝之資。而旦
暮獨說於前。故法術之士。奚道得進。而人主奚時得

乎。故資必不勝。而勢不兩存。法術之士。焉得不危。其可
以罪過誣者。公法而誅之。其不可被以罪過者。以私劍
而窮之。是明法術而逆主上者。不憐於吏誅。必死於利
劍矣。朋黨比周以弊主。言曲以便私者。必信於重人也。
故其可以功伐借者。以官爵貴之。其不可借以美名者。
以外權重之。是以弊主上而趨於私門者。不顯於官爵。
必重於外權矣。今人主不合參驗而行誅。不待見功而
爵祿。故法術之士。安能蒙死亡而進其說。姦邪之臣。安
肯乘利而退其身。故主上愈卑。私門益尊。
夫越雖國富兵強。中國之主。皆知無益於已也。曰。非吾

六卿分晉田氏
盜齊矣曰臣子
不道六君權失
攬所致

所得制也。今有國者。雖地廣人衆。然而人主壅蔽。大臣專權。是國為越也。知不類越。而不知不類其國。不察其類者也。人主所以謂齊亡者。非地與城亡也。呂氏弗制。而田氏用之也。所以謂晉亡者。亦非地與城亡也。姬氏弗制。而六卿專之也。今大臣執柄獨斷。而上弗知收。是人主不明也。與死人同病者。不可生。與亡國同事者。不可存也。今襲跡於齊晉。欲國安存。不可得也。

凡法術之難行也。不獨萬乘千乘亦然。人主之左右。不必智也。人主於人有所智而聽之。因與左右論其言。是與愚人論智也。人主之左右。不必賢也。人主於人有所

賢而禮之。因與左右論其行。是與不肖論賢也。智者不策於愚人。賢士程行於不肖。則賢智之士羞。而人主之論悖矣。人臣之欲得官者。其修士且以精潔固身。其智士且以治辯進業。其修士不能以貨賂事人。恃其精潔。而更不能以枉法為治。則脩智之士。不事左右。不聽請謁矣。人主之左右。行非伯夷也。求索不得。貨賂不至。則精辯之功息。而毀誣之言起矣。治亂之功。制於近習。精潔之行。決於毀譽。則修智之吏廢。而人主之明塞矣。不以功伐決智行。不以參伍審罪過。而聽左右近習之言。則無能之士在庭。而愚汗之吏處官矣。萬乘之患。大臣

此六為李世言
耳若盛世明良
相遇則寧有此

太重。千乘之患。左右太信。此人主之所公患也。

且人臣有大罪。人主有大失。臣主之利與相異者也。何以明之哉。曰。主利在有能者任官。臣利在無能而得事。主利在有勞而爵祿。臣利在無功而富貴。主利在豪傑使能。臣利在朋黨用私。是以國地削而私家富。主上卑而大臣重。故主失勢而臣得國。主更稱蕃臣而相室剖符。此人臣之所以譎主便私也。故當世之重臣。主變勢而得固寵者。十無二三。是其故何也。人臣之罪大也。臣有大罪者。其行欺主也。其罪當死亡也。智士者遠見而畏於死亡。必不從重人矣。賢士者脩廉而羞與姦臣欺

從未文字密繳
示有如此者後
人謂古文無結
構無照應然則
非非先秦人哉

其主。必不從重人矣。是當塗者之徒。非愚而不知患者。必汙而不避姦者也。大臣挾愚汙之人。上與之欺主。下與之收利。侵漁朋黨。一口惑主。敗法以亂士民。使國家危削。主上勞辱。此大罪也。臣有大罪而主弗禁。此大失也。使其主有大失於上。臣有大罪於下。索國之不亡者。不可得也。

亡徵

夫兩堯不能相王。兩桀不能相亡。亡王之機。必其治亂。其強弱相踦者也。木之折也。必通蠹。牆之壞也。必通隙。然木雖蠹。無疾風不折。牆雖隙。無大雨不壞。萬乘之主。

有能服術行法。以為亡徵之君風雨其者。無天下不難矣。

解老

工人數變業。則失其功。作者數搖徙。則亡其功。一人之作。日亡半日。十日則亡五人之功矣。萬人之作。日亡半日。十日則亡五萬人之功矣。然則數變業者。其人彌衆。其虧彌大矣。凡法令更。則利害易。利害易。則民務變。務變之謂變業。故以理觀之。事大衆而數搖之。則少成功。藏大器而數徙之。則多敗傷。烹小鮮而數撓之。則賊其澤。治大國而數變法。則民苦之。是以有道之君。貴靜不重變法。故曰。治大國者。若烹小鮮。

右烹小鮮不撓之意。治國者擾之則亂。烹小鮮者撓之則碎。

說林

紂為象箸而箕子怖。以為象箸為不盛。美於土簋。則必犀玉之杯。玉盃象箸。必不盛。菽藿。則必旄象豹胎。旄象豹胎。必不衣短褐。而舍茅茨之下。則必錦衣九重。高臺廣室也。稱此以求。則天下不足矣。聖人見微以知萌。見端以知末。故見象箸而怖。知天下之不足也。

即是箕子自言亦不過是誰謂非之至詭

利大而遲不如利小而速

伯樂教其所憎者。相千里之馬。教其所愛者。相駑馬。千里之馬時一。其利緩。駑馬日倍。其利急。此周書所謂下言而上用者惑也。

觀行

中原文獻子集卷五
古之人目短於自見。故以鏡觀面。智短於自知。故以道正已。故鏡無見疵之罪。道無明過之怨。目失鏡則無以正鬚眉。身失道則無以知迷惑。西門豹之性急。故佩帶以緩已。董安于之心緩。故佩弦以自急。故以有餘補不足。以長續短之謂明主。

故鳥獲輕千鈞而重其身。非以身重於千鈞也。勢不便也。離朱易百步而難眉睫。非百步近而眉睫遠也。道不可也。故明主不窮鳥獲以其不能自舉。不困離朱以其不能自見。因可勢。求易道。故用力寡而功名立。

用人

廢法不可為治

釋灋術而心治。堯不能正一國。去規矩而妄意度。不能成一輪。廢尺寸而差長短。王爾不能半中。使中主守法術。拙匠守規矩。尺寸則萬不失矣。君人者能去賢巧之所不能。守中拙之所萬不失。則人力盡而功名立。夫人主不塞隙穴。而勞力於赭堊。暴雨疾風必壞。不去眉睫之禍。而慕貴育之死。不謹蕭牆之患。而固金城於遠境。不用近賢之謀。而外結萬乘之交於千里。飄風一旦起。則貴育不及救。而外交不及至。禍莫大於此。當今之世。為人主忠計者。必無使燕王說魯人。無使近世慕賢於古。無思越人以救中國溺者。如此。則上下親。內功

人主忽近而遠
則禍生肘腋

六慎詩特之句

立外名成。

外儲右經

申子曰。上明見人。備之。其不明見人。惑之。其知見人。飾之。不知見人。匿之。其無欲見人。伺之。其有欲見人。餌之。故曰。吾無從知之。惟無為可以規之。一曰。申子曰。慎而言也。人且知女。慎而行也。人且隨女。而有知見也。人且匿女。而無知見也。人且意女。女有知也。人且臧女。女無知也。人且行女。故曰。惟無為可以規之。

外儲

聞有吏雖亂。而有獨善之民。不聞有亂民。而有獨治之

吏。故明主治吏不治民。

薄疑謂趙簡主曰。君之國中。飽。簡主欣然而喜曰。何如。焉。對曰。府庫空虛於上。百姓貧餓於下。然而女。富矣。

難二

嚴親在圍。輕犯矢石。孝子之所愛親也。孝子愛親。百數之一也。今以為身處危。而人尚可戰。是欲以百族之子。於愛上。皆如孝子之愛親也。是行人之誣也。好利惡害。夫人之所有也。賞厚而信。人輕敵矣。刑重而必。人不比矣。長行狗上。數百不一人。喜利畏罪。人莫不然。將眾者。不出乎莫不然之數。而道乎百無一人之行。行人未知

親冒矢石督戰以鼓士氣行法以一衆心一者皆不可少

用衆之道也。

難勢

夫勢者。非能必使賢者用已。而不肖者不用已也。賢者用之。則天下治。不肖者用之。則天下亂。人之情性。賢者寡。而不肖者衆。而以威勢之利。濟亂世之不肖人。則是以勢亂天下者多。以勢治天下者寡矣。

且夫堯舜桀紂。千世而一出。是比肩踵踵而生也。世之治者。不絕於中。吾所以為言勢者中也。中者。上不及堯舜。而下亦不為桀紂。抱法處勢。則治。背法處勢。則亂。今廢勢背法。而待堯舜。堯舜至乃治。是千世亂而一治也。

抱法處勢。而待桀紂。桀紂至乃亂。是千世治而一亂也。且夫治千而亂一。與治一而亂千也。是猶乘驥駟而分馳也。相去亦遠矣。

問辯

夫言行者。以功用為之的。彀者也。夫砥礪殺矢。而以妄發其端。未嘗不中秋毫。然而不可謂善射者。無常儀的也。設五寸之的。司十步之遠。非羿逢蒙。不能必中者。有常也。故有常。則羿逢蒙。以五寸的為巧。無常。則以妄發之中。秋毫為拙。今聽言觀行。不以功用為之的。彀言雖至察。行雖至堅。則妄發之說也。

辨難何等委曲
細察不漏

皆前人所未道
勢執又

中者中主也

說任法處認地
精細明白

八說

書約而弟子辯法。省而民說簡。是以聖人之書必著論。明主之法必詳事。盡思慮。揣得失。智者之所難也。無思無慮。挈前言而責後功。愚者之所易也。明主操愚者之所易。以責智者之所難。故智慮不用而國治也。

五蠹

斬敵者受賞。而高慈惠之行。拔城者受爵祿。而信廉愛之說。堅甲厲兵以備難。而美薦紳之飾。富國以農。距敵恃卒。而貴文學之士。廢敬上畏法之民。而養遊俠私劍之屬。舉行如此。治強不可得也。國平養儒俠。難至。用介

民之私行國之
公利並用則和
也

下聖儒俠想戰
連俠之風尤

之
盛太史公亟稱

士。所利非所用。所用非所利。是故服事者簡其業。而遊學者日衆。是世之所以亂也。

人主

今近習者不必智。人主之於人也。或有所智而聽之。入因與近習論其言。聽近習而不計其智。是與愚論智也。其當途者不必賢。人主之於人。或有所賢而禮之。入因與當途者論其行。聽其言而不用賢。是與不肖論賢也。故智者決策於愚人。賢士程行於不肖。則賢智之士奚時得用。而人主之明塞矣。

却勅整飭

未之聞乎。昔者舜臣堯。官才任士。堯一從之。左右曰。人君用士。當自任耳目。而取信於人。無乃不可乎。堯曰。吾之舉舜。已耳目之矣。今舜所舉人。吾又耳目之。是則耳目人終無已也。君苟付可付。則已不勞。而賢才不失矣。

公儀

穆公謂子思曰。縣子言子之為善。不欲人譽已。信乎。子思對曰。非臣之情也。臣之修善。欲人知之。而譽臣。是臣之為善有勸也。此所願而不可得者也。若臣之修善。而人莫知。莫知則必毀臣。是臣之為善而受毀也。此臣所不願而不可避者也。若夫鷄鳴為善。孳孳以至夜半。而

君子不干譽亦
不惡譽又可以
勸夫何惡

曰。不欲人之知。恐人之譽已。臣以謂斯人也者。非虛則愚也。

抗志

公叔木謂申祥曰。吾於子思親而敬之。子思未吾察也。申祥以告曰。人求親敬於子。子何辱焉。子思荅曰。義也。申祥曰。請聞之。荅曰。公叔氏之子。愛人之同也。慢而不知賢。夫其親敬。非心見吾所可親敬也。以人口而親敬。吾則亦以人口而疏慢吾矣。申祥曰。其不知賢。柰何。荅曰。有龍穆者。徒好飭美辭說。觀於坐席。相人眉睫。以為之意。天下之淺人也。而公叔子交之。橋子良。修實而不

列子辭粟亦有
此語

脩名為善不為人之知己。不撞不鼓。如大鍾然。天下之深人也。而公叔子與之同色。而弗能知。此其所以為愛同已。而不知賢也。

衛公子交見於子思曰。先生聖人之後。執清高之操。天下之君子。莫不服先生之大名也。交雖不敏。竊慕下風。願師先生之行。幸願恤之。子思曰。公子不冝也。夫清高之節。不以私自累。不以利煩意。擇天下之至道。行天下之正路。今公子紹康叔之緒。處戰伐之世。當務收英雄。保其疆土。非所以明滅否。立規檢。修匹夫之行之時也。

陳士義

與孟子答曹交
意同

此以論偏才則
可耳若全才則
無欲而亦有

魏王謂子順曰。吾欲致天下之士。柰何。子順對曰。昔者周穆王。謂祭公。謀父曰。吾欲得天下賢才。對曰。去乎。帝王之色。則幾乎得賢才矣。今臣亦請君去其尊貴之色而已。王曰。吾欲得無欲之士。為臣何如。子順曰。人之可使。以有欲也。故欲多者。其所得用亦多。欲少者。其所得用亦少。夫伯夷無欲。雖文武不能制。君安得而臣之。

一人引車曰輦

靡曼男細理弱肌
美色也皓齒詩
所謂處如狐犀
者也

難雖欲過之奚由出則以車入則以輦務以自佚命之曰招歷之機肥肉厚酒務以相彊命之曰爛腸之食靡曼皓齒鄭衛之音務以自樂命之曰伐性之斧三患者富貴之所致也故古之人有不肯貴富者矣由重生故也

重已

倕至巧也人不愛倕之指而愛已之指有之利故也人不愛崑山之玉江漢之珠而愛已之一蒼璧小璣有之利故也今吾生之為我有而利我亦大矣論其貴賤爵為天子不足以比焉論其輕重富有天下不可以易之

崑山之玉燔以
爐炭三日三夜
色不變江漢有
夜光之明珠

倕堯之巧工

論其安危一曙失之終身不復得此三者有道者之所慎也有慎之而反害之者不達乎性命之情也不達乎性命之情慎之何益

貴公

陰陽之和。不長一類。甘露時雨。不私一物。萬民之主。不阿一人。夫相大官也。處大官者。不欲小察。不欲小智。故曰大匠不斲。大庖不豆。大勇不鬪。大兵不寇。

尊師

人之情不能樂其所不安。不能得於其所不樂。為之而

不斷不自斲削
不豆不自親邊
也

漢書卷之五十五

樂矣。奚待賢者。雖不肖者。猶若勸之。為之而苦矣。奚待不肖者。雖賢者。猶不能久。反諸人情。則得所以勸學矣。

精通

子之於父母也。一體而兩分。同氣而異息。若草莽之有華實也。若樹木之有根心也。雖異處而相通。隱志相及。疾痛相救。憂思相感。生則相勸。死則相哀。此之謂骨肉之親。神出於忠而應乎心。兩精相得。豈待言哉。

察今

故治國無法則亂。守法而弗變則悖。悖亂不可以持國。世易時移。變法宜矣。譬之若良醫。病萬變。藥亦萬變。病

變而藥不變。嚮之壽民。今為殤子矣。

介立

以富貴有人易。以貧賤有人難。今晉文公出亡。周流天下。窮矣賤矣。而介子推不去。有以有之也。反國有萬乘。而介子推去之。無以有之也。能其難。不能其易。此文公之所以不王也。

觀世

天下雖有有道之士。國猶少。千里而有一士。比肩也。累世而有一聖人。繼踵也。士與聖人之所自来。若此其難也。而治必待之。治奚由至。雖幸而有。未必知也。不知則

晉文公避難奔翟十二年。自翟經于諸國。能其難。能以貧賤有人也。不能其易。不能以富貴有人也。

士與聖人不世。出有之。猶未少。知此治世之所。以少。亂世之所。以多也。

有水曰澗無水曰谿

周公輔佐成王動心攝政以致太平二叔流言在亂東夷八國附從二叔不聽王命

與無賢同此治世之所以短亂世之所長也故王者不四霸者不六亡國相望囚主相及得士則無此之患

○察微

使治亂存亡若高山之與深谿若白堊之與黑漆則無所用智雖愚猶可矣且治亂存亡則不然如可知如不可知如可見如不可見故智士賢者相與積心愁慮以求之猶尚有管蔡之事與東夷八國不聽之謀故治亂存亡其始若秋毫察其秋毫則大不過矣

審分

夫治身與治國一理之術也今以衆地者公作則遲有

累負也謂人主不以正臨之令臣自欲容私故君無所避其負也

所匿其力也分地則速無所匿遲也主亦有地臣主同地則臣有所懼邪矣主無所避其累矣凡為善難任善易矣以知之人與驥俱走則人不勝驥矣居於車上而任驥則驥不勝人矣人主好治人官之事則是與驥俱走也必多所不及矣

慎勢

權鈞則不能相使勢等則不能相拜治亂齊則不能相正故大小輕重少多治亂不可不察此禍福之門也

○精論

聖人相諭不待言有先言言者也勝書說周公旦曰廷

精微也勿無也

中原文獻子集卷五
十四
小人衆徐言則不聞疾言則人知之徐言乎疾言乎周公旦曰徐言勝書曰有事於此而精言之而不明勿言之而不成精言乎勿言乎周公旦曰勿言故勝書能以不言說而周公旦能以不言聽此之謂不言之聽不言之謀不聞之事

離謂

言者以諭意也言意相離凶也亂國之俗甚多流言而不顧其實務以相毀務以相譽毀譽成黨衆口重夫賢不肖不分以此治國賢主猶惑之也又况乎不肖者乎惑者之患不自以為惑故惑惑之中有曉焉冥冥之中

其感動也

有昭焉亡國之主不自以為惑故與桀紂幽厲皆也

淫辭

非辭無以相期從辭則亂亂辭之中又有亂焉心之謂也言不欺心則近之矣凡言者以諭心也言心相離而上無以參之則下多所言非所行也所行非所言也言行相詭不祥莫大焉

長利

辛寬見魯繆公曰臣今而後知吾先君周公之不若太公望封之知也昔者太公望封於營丘之渚海阻山高險固之地也是故地日廣子孫彌隆吾先君周公封於

得之者若湯武也失之者若桀紂故曰古之道也

言鳳皇必有德之君乃至其郊

魯無山林谿谷之險諸侯四面以達是故地日削子孫彌殺辛寬出南宮括入見公曰今者寬也非周公其辭若是也南宮括曰寬少者不識也君獨不聞成王之定成周之說乎其辭曰惟余一人營君於成周惟余一人有善易得而見也有不善易得而誅也故曰善者得之不善者失之古之道也夫賢者豈欲其子孫之阻山林之險以長為無道哉小人其寬也今使燕爵為鴻鵠鳳凰慮則必不得矣其所求者瓦之間隙屋之翳蔚也與一舉則有千里之志德不盛義不大則不至其郊愚瘁之民其為賢者慮亦猶此也固妄誹訾豈不悲哉

名類

化變也
元室也事之適得其時則無不成故功大
三王以上固皆用兵也亂則用治則止治而攻之不祥莫大焉亂而弗討害民莫長焉此治亂之化也文武之所由起也文者愛之徵也武者惡之表也愛惡循義文武有常聖人之元也譬之若寒暑之序時至而事生之聖人不能為時而能以事適時事適於時者其功大

達鬱

水鬱則為汚樹鬱則為蠹草鬱則為蕘國亦有鬱主德不通民欲不達此國之鬱也國鬱處久則百惡並起而萬災叢至矣上下之相忍也由此出矣故聖王之貴豪

鬱滯不通也水淺不流曰汙蠹蟻蝼中之虫也

士與忠臣也。為其敢直言而決鬱塞也。

博志

使獐疾走馬弗及至。已而得者其時願也。驥一日千里。車輕也。以重載則不能數里。任重也。賢者之舉事也。不聞無功。然而名不大立。利不及世者。愚不肖為之任也。冬與夏不能兩刑。草與稼不能兩成。新穀熟而陳穀虧。凡有角者無上齒。果實繁者木必痺。用智褊者無遂功。天之數也。

慎小

賢主謹小物以論好惡。巨防容螻而漂邑殺人。突洩一

煙而焚宮燒積。將失一令而軍破身死。主過一言而國殘名辱。為後世笑。

反顧稽其行故見得也

愚不肖人為之任政事故使其君賢名不立福利不及後世子孫也

其大防變已如

則遺天至于突洩殺人也龜之宮室積也



中原文獻子集卷五

素書

漢書紀黃石公圯上授子房者世傳以為三略誤矣晉亂盜菽子房塚得是書枕中但龐雜無統以故讀者疑焉

令與心乖者廢後令繆前者毀怒而無威者犯好衆辱人者殃戮辱所任者危慢其所敬者凶貌合心離者孤親說遠忠者亡

行賞恪色者沮多許少與者怨既迎而拒者乖薄施厚望者不報貴而忘賤者不久念舊惡而棄新功者凶用人不得正者殆疆用人者不畜

此發明施仁行
義賞善罰惡立
事成功道理

不畜謂賢能不
遇其時吾以虛

中原文獻子集卷五

廿八

名羈之終不為
至用

四言乱皆生于

牧人以德者集。繩人以刑者散。小功不賞。則大功不立。小怨不赦。則大怨必生。能有其有者安。貪人之有者殘。

柱弱者屋壞。輔弱者國傾。足寒傷心。人怨傷國。山將崩者下先隕。國將衰者人先弊。根枯枝朽。人困國殘。與覆車同軌者傾。與亡國同事者滅。

同志相得。同仁相憂。同惡相黨。同愛相求。同美相如。同智相謀。同貴相害。同利相忌。同聲相應。同氣相感。同類相依。同義相親。同難相濟。同道相成。同藝相規。同巧相勝。此乃數之所得。不可與理違。

三畧

畧謀畧也。本太公所作黃石公嘗推演之以授子房。故後世以為黃石公之書。

軍讖曰：香餌之下必有死魚。重賞之下必有勇夫。故禮者士之所歸。賞者士之所死。招其所歸。示其所死。則所求者至。故禮而後悔者。士不往。賞而後悔者。士不使。禮賞不倦。則士爭死。

軍讖曰：內貪外廉。詐譽取名。竊公為恩。令上下昏。飭躬正顏。以獲高官。是謂盜端。

軍讖曰：強宗聚姦。無位而尊。威無不振。葛藟相連。種德

以其所願歸者
而招之。以其所
效死者。而示之。
則吾所求之士
自至矣。禮與賞
用之不倦。則士
爭為之死矣。

端起端也。此言
奸詐欺蔽之禍。

葛藟皆草名。蔓
生者也。此言強

宗擅權之禍

此言世家姦欺之禍

政行政也降伏也降体必以礼貌降心則中心和樂而無所勉強此言人君為樂不同而存亡二異如此

立恩奪在位權。侵侮下民。國內誼誼。臣蔽不言。是謂亂根。

軍識曰。世世作姦。侵盜縣官。進退求便。委曲弄文。以危其軍。是謂國姦。

賢人之政。降人以體。聖人之政。降人以心。體降可以圖始。心降可以保終。降體以禮。降心以樂。所謂樂者。非金石絲竹也。謂人樂其家。謂人樂其俗。謂人樂其業。謂人樂其都邑。謂人樂其政令。謂人樂其道德。如此。君人者乃作樂以節之。使不失其和。故有德之君。以樂樂人。無德之君。以樂樂身。樂人者久而長。樂身者不久而亡。

陸子

名賈楚人以客從高祖。定天下。拜大中大夫。著書十二篇。每奏高帝稱善。號曰新語。其卓識宏議。為漢儒首唱。

術事

世俗以為自古而傳之者為重。以今之作者為輕。淡於所見。甘於所聞。惑於外貌。失於中情。聖人貴寬。而世人賤衆。五穀養性。而棄之於地。珠玉無用。而寶之於身。故舜弃黃金於嶺。崑之山。禹捐珠玉於五湖之淵。將以杜淫邪之欲。絕琦瑋之情。道近不必出於久遠。取其至要。

言規遠不若求之近。慕古不若友之今。荀卿法後王是也。

嶺山石高峻貌崑山巖也

而有成。春秋上不及五帝，下不至三王。述齊桓、晉文之
小善，魯之十二公，至今之為政，足以知成敗之効。何必
於三王故古人之所行者，亦與今世同。立事者不離道
德，調絃者不失宮商，天道調四時，人道治五常。周公與
堯舜合符瑞，二世與桀紂同禍殃。文王生於東夷，大禹
出於西羌，世殊而地絕，法合而度同。故聖賢與道合，愚
者與禍同。懷德者應以福，挾惡者報以凶。德薄者位危，
去道者身亡。萬世不易法，古今同紀綱。故良馬非獨騏
驎，利劍非惟干將。美女非獨西施，忠臣非獨呂望。今有
馬而無王良之御，有劍而無砥礪之功，有女而無芳澤

之飾，有士而不遭文王，道術蓄積而不舒，美玉韞匱而
深藏，故懷道者須世，抱璞者待功。道為智者說，馬為御
者良，賢為聖者用，辯為智者通，書為曉者傳，事為見者
明。故制事者因其則，服藥者因其良，書不必起仲尼之
門，藥不必出扁鵲之方，合之者善，可以為法，因世而權
行。

輔政

小慧者不可以禦大，小辯者不可以說衆。商賈巧為販
賣之利，而屈為貞良，和臣好為詐偽，自媚飾非而不能
為公方，藏其端巧，逃其事功。故智者之所短，不如愚者

之所長。文公種米。曾子駕羊。相士不訖。信邪失方。察察者有所不見。恢恢者何所不容。

無為

夫道莫大於無為。行莫大於謹敬。何以言之。昔虞舜治天下。彈五絃之琴。歌南風之詩。寂若無治國之意。漠若無憂民之心。然天下治。周公制作禮樂。郊天地。望山川。師旅不設。刑格法懸。而四海之內。奉供來臻。越裳之君。重譯來朝。故無為也。乃無為也。秦始皇帝設為車裂之誅。以斂姦邪。築長城於我境。以備胡越。征大吞小。威震天下。將帥橫行。以服外國。蒙恬討亂於外。李斯治法於

善傳言也

詞氣溫雅

詞秦得失宛然
在日

內。事逾煩。天下逾亂。法逾滋。而姦逾熾。兵馬益設。而敵人逾多。秦非不欲為治。然失之者。乃舉措暴衆。而用刑太極。故也。是以君子尚寬舒。以苞身。行中和。而統遠。民畏其威。而從其化。懷其德。而歸其境。美其治。而不敢違其政。民不罰而畏罪。不賞而歡悅。漸漬於道德。被服於中和之所致也。夫法令者。所以誅惡。非所以勸善。故曾閔之孝。夷齊之廉。豈畏死而為之哉。教化之所致也。故曰。堯舜之民。可比屋而封。桀紂之民。可比屋而誅者。教化使然也。故近河之地。濕。近山之土。燥。以類相及也。故山川出雲雨。立阜生氣。四瀆東流。百川無不從。小者從

化行則俗美

東漢文選卷之五

四十一

大少者從多。夫王者之都。南面之君。臣姓之所取法。舉措動作。不可失法則也。

辯惑

夫和曲之相銜。枉撓之相借。正直故不得容其間。諂佞之相扶。諛口之相舉。無高而不可上。無深而不可往者。何以黨輩衆多。而辭語諧合。夫衆口之毀譽。浮石沉木。羣邪所抑。以直為曲。視之不察。以白為黑。夫曲直之異形。白黑之異色。乃天下之易見也。然自謬也。或不能分明。其是非者。衆邪誤之矣。至如秦二世之時。趙高駕鹿而從行。王曰。丞相何為駕鹿。高曰。馬也。王曰。丞相誤也。

此篇說忠佞難分。諛和易惑。在人主辨之。

以鹿為馬。高曰。陛下以臣言不然。願問羣臣。臣半言鹿。半言馬。當此之時。秦王不能自信其目。而從邪臣之說。夫馬鹿之異形。衆人所知也。然不能分別是非也。況於闇昧之事乎。易曰。二人同心。其義斷金。群黨合意。以傾一若。孰不移哉。

至德

夫欲建國彊威。辟地服遠者。必得之於民。欲立功興譽。垂名流光。顯榮華者。必取之於身。故據萬乘之國。持百姓之命。苞山澤之饒。主士衆之力。而功不在於身。名不顯於世者。乃統理之非也。天地之性。萬物之類。獲道者

此言立功成名。在得民在治身。不在威武。

清溫新美長吟
不倦

韻語又高下
自注不飛天益

衆歸之時刑者民畏之歸之則附其側畏之則去其域
故設刑者不厭輕為德者不厭重行罰者不患薄而賞
者不患厚所以親近而致踈遠也夫刑重者則身勞事
衆者則心煩心煩者則刑罰縱橫而無所立身勞者則
百端迴邪而無所就是以君子之為治也塊然若無事
寂然若無聲官府若無吏亭落若無民間里不訟於巷
老幼不愁於庭近者無所議遠者無所聽郵驛無夜行
之吏鄉閭無夜召之征犬不夜吠鳥不夜鳴者
堂丁壯者耕耘於田在朝者忠於君在家
是賞善罰惡而潤色之興
庠序而教誨之然後

愚異議廉鄙異科長幼異折下有差強眾相扶
相懷尊卑相承鴈行相隨不言而言
而威豈恃堅

甲利兵深刑刻法朝夕切切而後行哉
晉屬齊莊楚靈宋襄夷大國

之權文衆民之威軍師橫出陵轅諸侯外驍敵國內刻
百姓隣國之讐結於外臣下之怨積於內而欲建金石

之功終傳不絕之世豈不難哉故宋襄死於泓水之戰

三君弑於臣子之手皆輕用師而尚威力以至於斯故

春秋重而書之嗟嘆而傷之是三君皆強其威而失國

急其刑而自賊斯乃去事之戒來事之師也

懷慮

懷慮慮者不可以立計持兩端者不可以定威故治外

此言誠專一
者成名二三詭

隨者辱殆

蘇秦張儀以三
三敗

者之調內于逸者必正近網紀天下勞神八極者則憂
不存於家養氣治性思通精神延壽命者則志不役於
外據土子民治國治眾者不可以圖利治產業則教化
不行而政令不從蘇秦張儀身尊於位名顯於世相六
國事六君威震山東橫說諸侯國異辭人異意欲合弱
而制疆持衡而御縱內無堅計身無定名功業不卒中
道而廢身死於凡人之手為天下所笑者乃由辭語不
一而情欲放逸故也故管仲相桓公誅節事君專心一
意身無境外之交心無歌斜之慮正其國而制天下尊
其君而屈諸侯權行於海內化流於諸夏而者不也

義下缺一字

義者顯舉一事而天下從故而諸侯咸於聖幸
一政以繩百姓持一槩以等萬民所以同治而明一
統也

夫世人不學詩書行仁義聖人之道極經藝之深乃論
不驗之語學不然之事圖天地之形說災變之異垂先
王之法異聖人之意惑學者之心移衆人之志指天畫
地是非世事動人以邪變驚人以奇怪聽之者若神視
之者若異然猶不可以濟於厄而度其身或觸罪法不
免於辜戮故事不生於法度道不本於天地可言而不
可行也可聽而不可傳也可翫而不可大用也故物之

所可非道之所宜。道之所宜。非物之所可。

